

1. Alma-Ras doo, sa sjedištem u Olovu, ul. Olovske luke bb, čiji je zastupnik direktor Memagić Almasa. s druge strane (u daljem tekstu: Preduzeće).

2. Visokoškolske ustanove Evropski univerzitet „Kallos“ Tuzla, sa sjedištem u Tuzli, u ul. Maršala Tita 2A i 2B, čiji je zastupnik v.d. rektor akademik prof. dr. Nedeljko Stanković, s jedne strane (u daljem tekstu: Univerzitet)

a na osnovu slobodno izražene volje zaključile su dana 22.02.2018. godine sljedeći

UGOVOR

O AKADEMSKOJ, NAUČNOJ I POSLOVNO-TEHNIČKOJ SARADNJI

Član 1.

Ugovor je zasnovan s ciljem međusobne saradnje dvije visokoobrazovne ustanove u budućem procesu obrazovanja, pedagogije, naučno-istraživačkog rada i drugih poslova u okviru upisane djelatnosti.

Član 2.

Ugovorne strane će nastojati da razvijaju međusobne akademske veze prema principima zajedničke koristi, opšteg društvenog interesa, te zajedničke komplementarne djelatnosti visokog obrazovanja. Ugovorne strane će uložiti najveće i iskrene napore da se ovaj ugovor realizuje na akademskom nivou.

Član 3.

Ciljevi saradnje:

- razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
- razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
- ohrabrivanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata;
- podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

Član 4.

Područje saradnje će uključivati bilo koje akademske i druge naučne odnose stručne programe koji su akreditovani i registrovani u bilo kojoj od ustanova u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

Član.5

Ugovorne strane se mogu sporazumiti o tome da će na svojim web-stranicama istaknuti logo druge ugovorne strane, na za to odgovarajućem mjestu, sa linkom na web-stranicu druge ugovorne strane.

Član.6

Ugovorne strane će eventualne sporove rješavati sporazumno.


Član 7.

Ovaj ugovor se izrađuje u 4 primjerka, od kojih svaka ugovorna strana dobija po 2.

Član 8.

Ugovor stupa na snagu danom potpisivanja obje ugovorne strane.

ZA
EVROPSKI UNIVERZITET
„KALLOS“ TUZLA
REKTOR
Akademik prof. dr. Nedeljko Stanković



[Signature]
Broj: 139-4/2018
Tuzla,

ZA
PREDUZEĆE
DIREKTOR



[Signature]
Broj: 1040-18/ 63/18